



14 Julai 2015
14 July 2015
P.U. (A) 167

WARTA KERAJAAN PERSEKUTUAN

FEDERAL GOVERNMENT GAZETTE

UNDANG-UNDANG KECIL KERAJAAN TEMPATAN (DATARAN MERDEKA) (WILAYAH PERSEKUTUAN KUALA LUMPUR) (PINDAAN) 2015

LOCAL GOVERNMENT (DATARAN MERDEKA) (FEDERAL TERRITORY OF KUALA LUMPUR) (AMENDMENT) BY-LAWS 2015



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KERAJAAN TEMPATAN 1976

UNDANG-UNDANG KECIL KERAJAAN TEMPATAN (DATARAN MERDEKA)
(WILAYAH PERSEKUTUAN KUALA LUMPUR) (PINDAAN) 2015

PADA menjalankan kuasa yang diberi oleh seksyen 102 Akta Kerajaan Tempatan 1976 [Akta 171], Datuk Bandar Kuala Lumpur membuat, dan menurut seksyen 103 Akta tersebut Menteri mengesahkan, undang-undang kecil yang berikut:

Nama

1. Undang-undang kecil ini bolehlah dinamakan **Undang-Undang Kecil Kerajaan Tempatan (Dataran Merdeka) (Wilayah Persekutuan Kuala Lumpur) (Pindaan) 2015**.

Pindaan undang-undang kecil 2

2. Undang-Undang Kecil Kerajaan Tempatan (Dataran Merdeka) (Wilayah Persekutuan Kuala Lumpur) 1992 [P.U. (A) 304/1992] yang disebut “Undang-Undang Kecil ibu” dalam Undang-Undang Kecil ini, dipinda dalam undang-undang kecil 2, dalam takrif “perkakas jalan” dengan menggantikan perkataan “ertinya” dengan perkataan “termasuk”.

Pindaan undang-undang kecil 3

3. Undang-Undang Kecil ibu dipinda dengan menggantikan undang-undang kecil 3 dengan undang-undang kecil yang berikut:

“3. Dataran Merdeka adalah kesemua permukaan atas tanah yang dikelilingi oleh Jalan Raja kecuali kawasan yang diduduki oleh Kelab Diraja Selangor di bawah hakmilik tanah No. PN 30902, Lot 71, Seksyen 59 Bandar Kuala Lumpur.”.

Pindaan undang-undang kecil 4

4. Undang-undang kecil 4 Undang-Undang Kecil ibu dipinda—

(a) dalam perenggan pertama, dengan memotong perkataan “, kecuali diluluskan oleh Datuk Bandar secara bertulis”;

- (b) dalam perenggan (a), dengan menggantikan perkataan “memakan apa-apa makanan, meminum apa-apa minuman,” dengan perkataan “meminum apa-apa minuman keras”;
- (c) dalam perenggan (m), dengan memasukkan selepas perkataan “membuang air kecil atau air besar” perkataan “melainkan di tempat yang telah disediakan oleh Datuk Bandar bagi maksud itu”;
- (d) dengan menggantikan perenggan (n) dengan perenggan yang berikut:
 - “(n) memindah, membuat perubahan kepada, atau mengalih apa-apa benda yang dipamerkan, dipertunjukkan, dilekat, digantung, diletak atau dibina oleh Datuk Bandar melainkan dengan kebenaran Datuk Bandar;”;
- (e) dengan menggantikan perenggan (o) dengan perenggan yang berikut:
 - “(o) mendirikan apa-apa khemah, warung, bangsal atau struktur lain melainkan dengan kebenaran Datuk Bandar;”;
- (f) dalam perenggan (q), dengan memasukkan selepas perkataan “mercun” perkataan “melainkan dengan kebenaran Datuk Bandar”; dan
- (g) dalam perenggan (s), dengan memasukkan selepas perkataan “Dataran Merdeka” perkataan “melainkan dengan kebenaran Datuk Bandar”.

Pindaan undang-undang kecil 5

5. Undang-Undang Kecil ibu dipinda dengan menggantikan undang-undang kecil 5 dengan undang-undang kecil yang berikut—

“Kelakuan ketika berada di Dataran Merdeka

5. Mana-mana orang yang berada di Dataran Merdeka tidak boleh—

- (a) menggunakan bahasa yang tidak sopan atau berkelakuan dengan cara yang boleh menyebabkan ketidakselesaan kepada orang awam;
- (b) mengadakan atau mengambil bahagian dalam perjudian; atau
- (c) menjalankan apa-apa kegiatan yang boleh menyebabkan kacau-ganggu kepada orang lain yang berada di Dataran Merdeka.”

Pemotongan undang-undang kecil 6

6. Undang-Undang Kecil ibu dipinda dengan memotong undang-undang kecil 6.

Pindaan undang-undang kecil 7

7. Undang-undang kecil 7 Undang-Undang Kecil ibu dipinda dengan memasukkan selepas perkataan “Dataran Merdeka” perkataan “melainkan dengan kebenaran Datuk Bandar di bawah mana-mana undang-undang kecil yang berkaitan.”.

Pindaan undang-undang kecil 14

8. Undang-Undang Kecil ibu dipinda dengan menggantikan undang-undang kecil 14 dengan undang-undang kecil yang berikut—

“Kuasa tutup dan usir

14. Datuk Bandar atau mana-mana pegawai yang diberi kuasa boleh—
- (a) menutup keseluruhan Dataran Merdeka atau mana-mana bahagian daripadanya—
 - (i) jika difikirkannya perlu; atau
 - (ii) jika berlaku apa-apa kacau-ganggu yang mungkin mendatangkan bencana atau bahaya atau menjejaskan keselamatan orang awam; dan

(b) memerintahkan mana-mana orang—

- (i) yang berada di Dataran Merdeka atau mana-mana bahagian daripadanya yang telah ditutup di bawah perenggan (a); atau
- (ii) yang melanggar mana-mana peruntukan Undang-Undang Kecil ini;

diusir keluar daripada Dataran Merdeka dengan segera dan mana-mana orang yang enggan mematuhi perintah itu adalah melakukan suatu kesalahan dan boleh, dengan kekerasan yang munasabah, diusir keluar oleh Datuk Bandar atau mana-mana pegawai yang diberi kuasa.”.

Undang-undang kecil baru 14A

9. Undang-Undang Kecil ibu dipinda dengan memasukkan selepas undang-undang kecil 14 undang-undang kecil yang berikut—

”Penyitaan

14A. (1) Datuk Bandar boleh, menurut budi bicaranya menyita, memindahkan dan menahan apa-apa barang atau benda yang dibawa masuk ke Dataran Merdeka di suatu tempat yang sesuai bagi apa-apa tempoh sebagaimana yang ditentukan oleh Datuk Bandar atas risiko pemunya atau orang yang melakukan kesalahan itu.

(2) Bagi barang-barang atau benda dari jenis mudah rosak, Datuk Bandar boleh melupuskan barang-barang atau benda itu dengan serta merta tanpa notis mengikut apa-apa cara yang difikirkan sesuai oleh Datuk Bandar.

(3) Sekiranya terdapat apa-apa struktur yang didirikan di Dataran Merdeka tanpa mendapat kebenaran bertulis daripada Datuk Bandar, Datuk Bandar boleh merobohkan, mengalihkan dan menahan struktur itu di suatu